

FONS BLA VVS.

Cerne, breui lector nunc te sermone tenebo.

Quatuor hos tantum iam lege uersiculos.

Pierij latices, clarae sunt Phocidis undae.

Hos, uada Cephi si qui cecinere, uides.

Me quoq; Reysmanus studuit celebrare perennem.

Pars quota cum clavis fontibus inde ferar.

PER THEODORVM

REYSMAN.

1525. fuit Rector scholae huiusmodi in urbe Wormaciae
de Theob. Willmann. Rector scholae huiusmodi in urbe
Civitate huiusmodi in urbe Wormaciae. Rector scholae
huiusmodi in urbe Wormaciae. Rector scholae huiusmodi
in urbe Wormaciae. Rector scholae huiusmodi in urbe
Wormaciae. Rector scholae huiusmodi in urbe Wormaciae.

ET IMAGINIBVS, ET LITERIS INCLYTE
TO HEROI, DOMINO GEORGIO
DRVCHSES, MECOENATISVO
CLEMENTISSIMO, S. D. P.

SUPERIORE Autumno, Vir Inclyte, patrum
Academiae Tübingensis prouidentia, & ob æris in-
temperiem, secessimus, quidam in alium locum, nos
uero Blaubyriam. Ibi etsi accolæ boni, & simpliceis
fontis Blauī, iugorum, amœnissimæ uallis, totiusq; loci
ob continuam cohabitationem, ita ut sit, sāturi sint, at-
tamen huc qui siue casu, siue consilio diuertunt, loci
admiratione adficiuntur, fontisq; miraculo stupent.
Quod cum & nobis accidisset omnibus, & admirati-
onem, & stuporem illum sic tenuiter complexus sum
uer sibus, quos Blauum adpello. Hunc, Vir Inclyte,
tibi defensitandum à latratu maleuolorum dedico.
Non solum enim publico fauore, & præsidio nostram
Academiam, laudeq; perenni prouehis, sed etiam, quæ
ad modū Ludouicus frater tuus, Vir Fortissimus, tuos
ipsius liberos & in patria literis formandos, & in Ita-
liam ingenij cultus gratia capiendi ablegandos curasti.
Sæpe etiam cum Serenissimo Rege Ferdinando Blauū
es unice admiratus. Adde, quod & Blauī cursus nostri
pertinet ad reliquam Ducatus Vvurtembergensis Mo-
narchiam, cuius regiam administrationem tu, Vir In-

clute, ut dignissimus Vicarius iuste gubernas. Proinde
Blauum, quem antea sæpe admiratus es, & tuæ fon-
temq; fluiuiumq; Monarchiæ, nec non solito erga lite-
ras, & harum studiosos fauore, deniq; Mecœnatis,
Augusti, Agrippæ, & reliquorū principum uirorum
exemplo suscipe, & defende. Heroicōs Vale, Vir
Inclute, & inter tibi commendatos Theodorum,
ut facis, ama. Blaubryiæ Sueuorum.

FONSELAVVS

TE celebres inter fontis Natura, Parensq;
Rerum formauit, Blaue canende mihi.
Digne cani, pulchros inter liquidissime fontis,
Gurgite qui uitreas diuite fundis aquas.
Thesauro latices depromis nemp̃ profundo,
Quo uix credo potest altior esse magis.
Fortē, quod Alpinos hic se demittere colleis,
Inq; sinum uideas uelle subire tuum.
Alpibus & uicina Alba, & sic dicta Sueuis,
Hunc quoq; decluem condidit ipsa locum.
Vt se demittant, ut sint decliua cuncta,
Saxosis fons est cunctus at iste iugis.
Præ scopulis saxum reliquis hic prominet ingens,
Huic speculam ueteres imposuere loco.
Non hanc deiiciunt forteis cum fratribus Austri,
Nec Boreas nimbis huic nocet ipse suis,
Stans immota Alpeis, cernitq; Lycaonis Arcton,
Et Solis nitidos egredientis equos.
Cernit eos, quando Oceano se tingere pergunt,
Et se spumosos quando adaquare solent.
In præceps de alto uidet ista domuncula saxo,
Prospicit in uenas lymphide Blaue tuas.
Vt maris Aegæi speculator, siue Britanni
E specula malo prospicit imposita.

A iiij

Ceu de alto quis Pyramidum despectet olympo,
 Sic domus in Blauum pensilis ista uidet.
 Huc perhibent Ceruum syluis fugisse propinquis,
 Aëripes mortem diffugiturus erat.
 Scyllæos latices nescit, uitare Charybdim
 Dum studet, atq; necem, dum fugit, in siluit.
 Urgebant utrinq; Lacon, celeresq; Molossi.
 Venator tergum clauserat omne feræ.
 Audires sonitum cornu, strepitumq; sequentum.
 Latratu resonant proxima rura canum.
 Tum iuga, tum syluas resonans compleuerat Echo.
 Ex animis Ceruus prendier ipse negat.
 Quod saxum facit hic, collo salit ipse reducto.
 Currirur huc, ruit huc uis, sequiturq; feram.
 Impetus an ne feram deiecerit, an ne putandum est,
 Se uiuam canibus non uoluisse dari.
 Atq; mori statuisse prius, quam præda sequentum
 Successos inter uiua perire canes.
 An ne fuga certam uoluit sperare salutem.
 Magnis in Blauum saltibus in siluit.
 In præceps è sublimi fera succidit ingens,
 Atq; imo Blauu mergitur ipsa sinu.
 Fons nimium est altus, uenæ nimiumq; profundæ.
 Impetus ante grauem de grauat ipse feram.
 Mole sua pressusq; ima dum certat Abyssus,
 Et sursum Ceruus posse natare cupit.

Viribus exhaustus, lassatusq; ante natator,
 Quam potuit sursum membra referre sua.
 Attrahit ipse uorax gurgēs, prohibetq; reuerti,
 Duram luctator combibit ergo necem.
 Non tamen has epulas digestsit gurgite Blauus.
 Maiorem numio credo fuisse bolum.
 Fontis erant imo obspicata in flumine uenæ,
 Dispensare suas fonsq; nequibat aquas.
 Fit sonitus, magnumq; imo fit gurgite murmur.
 Inclusum tonitru nempe sonare putes.
 Venti indignanteis tali cum murmure fœdus
 Regis in Aeolia, sceptrasonare, colunt.
 Sic, Lærtiadæ socius cum solueret utrem
 Prægnantem uentis, æquora cuncta fremunt.
 Accola demirans murmur, Blauq; tumultum
 Insolitum, uenas, fontis aditq; sinum.
 Ceu iuga se montis cupiant aperire, sonabat,
 Se uelut in ualleis præcipitare uelint.
 Ut uelit Oceanus Blauu perumpere uenas,
 Proxima diluuiū perdere quæq; nouo.
 Pars mutare locum properat, pars territa uita,
 Ambigua estq; necas, semanimisq; stupet.
 Pars orare Deum, coelos, terrasq; regentem,
 Qui dare consilium, præsidiumq; solet.
 Venatu redit interea quis, nuntiat alto
 Ingentem saxo de siluâ se feram.

Salibus hanc miris scopulos, per saxa ruenda
Euasisse canes, retia, tela, uiros.
Mox subit, ut credant Ceruum insiluisse lebêtem,
Imo obstypatas gurgite fontis aquas.
Venas ritè suos non posse absolvere cursus,
Funeis adcelerant, uincla recurua, rateis.
Præcuruo longos funeis armantq; Tridente.
Indignans murmur uelle silere putes.
Brontis opus, Steropisq; Tridens demissus Abyss
Innatat, attrahitur gurgite prensa fera.
Murmur abit, redeunt uenis stypata fluentia.
Omnia sed cursu tunc meliore fluunt.
Insolitum fugere sonum qui, nempe reuer si.
Territa pars uireis concipit inde nouas.
Parua quidem specie res est, tamen illa fuisset
Imo triste malum fonte relicta fera.
Hinc & qui orauere Deum, sensere parentem,
Qui rebus dubijs proximus esse solet.
Hoc monitore bonus uenatu nuntius ille,
Cûq; illo præsens uenerat auxilium.
Naiades, & Nymphas iam tum gaudere salaceis,
Et uideas uultu cuncta redire nouo.
Tum quadringentis cubitis, & pluribus altum
Mirantur Blauum, cornua pulchra feræ.
Armis infixum telum mirantur acutum,
Non celerem tamen hoc præpediisse fugam.

In portu Libyco ceruorum corpora septem
Aeneæ iaculis talia fusa puto.
Multas hic uideas Blauiq; patere lebêtem
Vinas, miracl plus tamen altus habet.
Inclutus hic Ferdinandus Rex dicitur olim
Demi fuisse globum pondere nempe grauem.
Innumeros mensus cubitos miratur Abysson.
Phocæos latices, Castaliosq; uocat.
Non totidem quidam cubitos à Rege fuisse.
In Blauo mensos hac ratione uolunt.
Quondam cædendo, quæ nuda cacumina nunc sunt,
Syluas, cum truncis saxa ruisse iugo.
Continuò nunc hoc Blauum petiisse profundum,
Nunc aliud. clausam gurgite nempe uiam.
Ceu per Cancellos fontemq; erumpere Blauum.
Illa grauem referunt impediisse globum.
Hic locus in præceptis mirus, mireq; profundus
Imo cœruleas gurgite fundit aquas.
Illum Germani Blauum dixere colorem.
Hinc fontem constat nomen habere suum.
Mox amnem uenæ faciunt, lembosq; receptant.
Nobilibus Druttis Blauus & ipse fluit.
Lucius huic gracilis, Cephaleus inest tibi Mugil,
Qui caput à paruo corpore maius habet.
Cœruleas Blauu quoq; Fundulus incolit undas.
Hic dulcis cœnas sepe cohorte facit.

A v

Protinus octo uena rotis molit anne sonanti.
 Radices montis flumine dute natant.
 Quom torret Procyon campos, gelido fluit anne.
 In Bruma tepidas gurgite fundit aquas.
 Fertur, Erichthonios concretos frigore currus
 Soluier admotos lympe Blaue tibi.
 Hic factum Pario clarei de marmore Templum,
 Venis contiguum Coerule Blaue tuis.
 Aris deuotum centum, totidemq; columnis
 Pulchrum, Dædalea factus ab arte labor.
 Mœandris uarium, tot di stinctumq; habitaculis,
 Thesea queis filo posse redire negem.
 Multarum quoq; diues opum, diuina supellex
 Hic est, selectis Bibliotheca libris.
 Hanc tamen obductam uideas squalore, situq;
 Obductæq; sedent puluere Castalides.
 Sic mercatorem cernis spreuisse Camœnas,
 Qui ficus mauult stultior esse suas.
 Obscuro probat hoc lectus fullone Senatus.
 Estq; Midæ constans proditor auriculæ.
 Id genus Anticyram mittendum, ægrotæ caterua.
 Digna cohors, ficos quæ patiatur, erit.
 Non olim Libycus sacer Augustinus alumnos
 Contentos passus religione suos.
 Hic uoluit sacris doctas coniungere Musas,
 Artibus, & celeberris religione uiros.

Stridonius pater hoc Hicronymus ipse probauit.
 Legerat hic flores Quintiliane tuos.
 Lumina tantaq; nil artis latuisse fatendum est
 Egregiæ, sacer, ac doctus uterq; fuit.
 Alter, ut adicipimus percussum, est casus inique.
 Tullius huic quod erat cognitus, atq; Plato.
 Romani civeis, quantumq; & honoris Achilli
 Artibus attulerint, sæcula multa canunt.
 Egregias arteis contemnens, ille necesse est
 Sit malus, hic flagris erudiendus erat.
 Aggeribus, fossis, muris, stratisq; uiarum
 Sunt æqui, magnis sumptibus illa struunt.
 Et nemo, ut uideo, est in cura uide segnis.
 Mens quàm sit melior corpore quisq; uidet.
 Pauci se erudijisse, suam sobolemq; doceri
 Contendunt, plenæ puluere Castalides.
 Qui bonus esse cupit, treis hic obulos numerando
 Conducit uilem scilicet Aedituum.
 Iste satis doctus, si tritum Gloria Patri
 Concinat, ac pubes talia docta sonet.
 Scilicet hic, aut hic debet reuocare Senatum.
 Argentanginam passus uterq; silet.
 Nobilis & mage nobilitas, mage laudeq; digna,
 Arteis ni toleret penè iacere bonas.
 Strenua si adfereret patria uirtute Camœnas,
 Essent nobilium semina uera patrum.

Templâque quisq; bonus solida cum laude probet, ni
 Omisso iaceat Bibliotheca situ.
 Hoc nostrum uitreis pars Blauî interfecat undis.
 Fonticulos diues reddit ubiq; nouos.
 Ad dextram locus est templo, conclauē Latini
 Dicunt, huc passum corpora conueniunt.
 In medio Liguri de marmore facta columna.
 Huc surgit, Blauî de silit inde liquor.
 Et raucum teneras murmur ne læderet aureis,
 Adpositum uideas scilicet artis opus.
 De fluit ipse liquor factis ex ære cathenis.
 Hæ tenuis faciunt ritè silere sonum.
 Ante fores alium uideas fluitare cicutis
 Ter tribus, & rauco murmure fonticulum.
 Est, ubi de Blauo cernas uiuaria facta,
 Nostri quæ templi mœnia clausa tenent.
 Picturas quoq; Zeuseas mirabar, & illam,
 Orbis quæ formam parua tabella gerit.
 Quantum Asiæ maius regnum, Libyæq; minora
 Sceptra, sit Europæ finis utroq; minor.
 Ast alia pendent Solymæ confinia pictæ.
 In propria tabula scilicet ista uides.
 His intertextum tabulis quoq; stamen Arachnes,
 Omisso uideas multa per æsa situ.
 Sed propè Germanæ pendet quoq; gloria gentis,
 Quam tamen inuadit bellua, Turca ferox.

Regnaq; desideribus nobis crudelis ademit,
 Pultauitq; fores clara Viennæ tuas.
 Hæc multis merito lachrymis persusa tabella est.
 Funera multa, uiros, regna subacta uides.
 Pannonios, & Byzantias, strauit Rhodon ipsam.
 Et quid non tentat Bellua seuamali?
 Oblita est patriæ uirtutis Teutonici ora?
 Et princeps orbis talia ferre uolet?
 Nobilium Comitum nomen, formasq; uidebam.
 Templi fundator primus uterq; fuit.
 Henricum Comitem, cui olim subiecta Tübinga,
 Gente Palatina quiq; oriundus erat.
 Sigibothonis erat de Ruk coniuncta figura,
 Arx iacet in dorso quæ bona Blauæ tuo.
 Gemmis est, auro, & Sarrano murice clarum
 Hoc templum, colli hoc Bacchus, & ipsa Ceres.
 Redditus in medio stabat Saluator Iesus.
 Machina cælestis Praxitelea chorus.
 Christiparam Mariam cernas, Annamq; parentem,
 Et Lysippæa cætera facta manu.
 Publion, expressam uideas illic Mitylenen,
 Vipereus Pauli factus ibiq; rogus.
 Organa sunt illis fateor quoq; Musica, uerum
 Artibus omisi quali acunq; sonant.
 Orphea, Phemion, atq; potens præsentis Ioppæ
 Optatum carmen pondere dulcisono.

Saxa, feras, monteis, fluuiosq; mouere solebant.
Menteis nostrorum posse mouere putem.
Scilicet, adfereret quò pro se quisq; Camœnas.
Id Superos, patet hoc publica uelle bona.
Hos quoq; diuinas laudes celebrare putarim
Dulcius. hâud calami stridet ab arte sonus.
Clepsydra pendebat, Stôfieri fabrica docti,
Signa suum Phœbum per duodena regens.
Annorum seriem uidi quoq; , tempora prisca,
Queis ædi facta est prima columna sacræ.
Multa uetustas scripturam detriuerat, ut non
Consequerer, nec erat cura rogare mihi.
Exstructum iacet hoc in dextra margine templum.
Attingit uenas Cœrule Blaue tuas.
Vndaq; demerso currens tua Blaue canali,
Et lustrans Templi quæq; habitacula rigat.
Alueus ipse foris pleno delabitur amne,
Et mox, quot dixi, tot molit ipse rotis.
Silenus regit hæc molas, & cultor Iacchi,
Qui duplicem Blauum sæpè uidere putat.
Nutandoq; domos numerare solebat in urbe,
Et tremulus pueris fabula sæpè fuit.
Hunc Chromis, & socius uiderunt urbe reuersum,
Perfusus multo sæpè iacere mero.
Emmaus adiacet hic parua, & Blaubyria dicta.
Blaubornam prisco dicere more solent.

Virius hæc ratio est. in signe est rusticus illis
Cœrulus, est color hic Cœrule Blaue tibi.
Fontem Germani Bornam, Brunamq; uocarunt.
Hæc quoq; Iudæi nomina fontis habent.
Altera uox itidem deflexa est, rusticus illa,
Et non obscure, significatur homo.
Candidus, & simplex, aliqua sine fraude popellus.
In patrio diues rure, domoq; satis.
Viuit sorte sua contentus. religioni
Synceræ mira sedulitate uacat.
Auro scilicet ut fuluo laquearia ducat,
Non est hic nimius sollicitator opum.
Quiue petat uenas montis, cæcasq; medullas,
Horrendis specubus quærat auarus opes.
Viq; bibat gemma, se irato credere Ponto,
Nemo studet merces Gange referre suas.
Mutua cognatis est hic concordia, fratrum
Gratia, contentas cernis & esse nurus.
Debitus est honor hic patribus, quin iussus herilis
Excipitur, matres sollicitasq; colunt.
Fœnore sic omni gens prisca soluta paternum
Viuebat, Nilo non referebat opes.
Tunc patrium pro se quisque exercebat agellum.
Non curæ priscais aula superba uiris.
Omnia candor erant. non cognita frausque, dolusque.
Simplicitas superis ista probata fuit.

Huic tenui mensa est satis exornata salino.
 Patria securum fercula coenat olus.
 De simis comedunt ciueis lac dulce capellis,
 Pulteis, in calido tostaq; liba foco.
 Gallinaq; recens, calido stridensq; Butyro
 Ouum. suspensio de Petasone bolum.
 Et pedicis ornat coenas comprehensa Coturnix,
 Assaq; praelongo Succula tota ueru.
 Mensis adponunt matres Melimela secundis,
 Quem cingunt multae, Caseus hicq; nuces.
 Hic, quas Patria fert, epula nascuntur inemptae.
 Nateq; non procul hinc cornua Bacche facis.
 Nempe die Festo celebrant post Sacra choreas.
 Saltantum strepitu uallis amœna sonat.
 Hic in composito saltu terram quatit, alter
 Amplexu prensam uibrat in astra Chlœn.
 Pars uolucres captant. currendo uincere quidam,
 Et simplex nucibus ludere turba solet.
 Viribus hic audax media decertat harena.
 Hic natal in cursu lympe Blaue tuo.
 Intenti quidam Cressas torquere sagittas,
 Et Partho cornu præmia nacta ferunt.
 Sæpe & Hamadryades mistas cantare Napæis,
 Actæasq; putes ludere sæpe Deas.
 Ictu Bombardæ quidam resonantque, globisque,
 Nigricat & crebris ictibus ipse Scopos.

Omnia quid memorem? Blauborna est laude uetusta,
 Digna q; de prisca simplicitate cani.
 Dissecat hanc gelido Dachys liquidissimus anne,
 Hinc miscet socias utraq; uallis aquas.
 Non procul bine ingens, ac horrendum patet antrum,
 Quod natura loci, sponte recessus habet.
 Mille capax ouium, totidem patulumq; iuuenis.
 Vidimus. in medio cæca fenestra patet.
 Lampade succensa transrepimus ordine. rursum
 Ingens, horrendum cæca habitacula specu.
 Concretus liquor, hic lapis est, uulgariter idem
 Lucidus, hinc socijs gemma recisa ioco.
 Hoc tepidum Lepores, Damas, Ceruusq; receptat,
 Quando Scythonia cuncta referta niue.
 Frigore concreti quando fluij q; steterunt.
 Quam secuerit rateis, cum uia trita rota est.
 Sirius aut nimio quom terras findit ab æstu,
 Gratas hic umbras Dama, Lepusq; petunt.
 Bestia si qua tamen nimium, penitusq; recessit,
 Est gyris uarij sæpe retenta specu.
 Nequicquam reditum, cæcas tentatq; cauernas
 Linquere. linquuntur uix præeunte face.
 Omnes, quotquot erant, mirati immane Barathrum,
 Quale fuit Caci, uel Polypheme tuum.
 Defluit in Blauum Dachys, findit prius idem,
 Quod dixi, templum, sed molit ante rotis.

Hic memini iuga, nos colleis Niclaë solere
 Scandere, mirari littora, saxa, specum.
 Atq; mei tibi Mnemos non memini dare, longum
 Quando Vale dixi, talia uerba sonans.
 Mœnia prisorum repetes Niclaë Nemetum,
 Rhemiq; auriferi littora clara petes.
 Hic ego, Cœruleas qua Blauus lambit arenas,
 Turtur ut amissa coniuge nempè, gemam.
 Nos loca disungent, animo comitabor amicum,
 Parsq; mei potior uiue, ualeq; canam.
 Hæc abeunti uerba dabam sub uertice Blauī,
 Cuius adhuc miror littora, saxa, locos.
 Suspiciunt clari Vates Heliconia Tempe,
 Et iuga Parnassi uerticis ipsa canunt.
 Cyrrheos referunt latices, fontemq; Pyrenen,
 Et biferi Pæstimaenia, prata, rosas.
 Naturam nostri miror fontisq; lociq;
 Arceis hic nostris collibus impositas.
 Aëris hic sani clementia corpora nutrit
 Fortia, magnanimos Blauus habetq; uiros.
 Ducendus contra Turam sit & inde Mamplus
 Perpetuus, fieret Bellua seu minor.
 Suspicio ualleis, & opaco frigore ripas,
 Arboreosq; choros, cinctaq; prata iugis.
 Monteis hinc nudos, scopulos & in astra minanteis,
 Hinc pulchram colleis miror habere comam.

Fructiferum in dorſis ſuſpexi, & collibus agrum,
 Et, propè quæ fundis, dona Lyæe tua.
 Non etenim procul hinc Methymnæas habet uuas,
 Hortos Alcinoi Neccharus amnis habet.
 Anſere cum uigili Blauum piſcantur Anates.
 Illorum uideas ſæpe natate gregem.
 Iuniperi quidam latebris in littore Blauī
 Techtus in in ſidijs accola ſæpè cubat.
 Arcu ab Ithyraeo uideas hinc tela uolare.
 Sic & in in ſidijs ſæpè ſeritur Anas.
 Nempè iugis ut in Hybleis, & montis Hymetti,
 Nare domum grauidas ordine cernis Apes.
 Dachys habet retrò gradientis flumine Cancros.
 In patina croceos hic licet eſſe tibi.
 A cancris Blauum Dachys ſuperauerit, eſt uiu
 Piſcibus, & curſu fluminis inferior.
 Hinc lupus, atq; leo, procul hinc turpeisq; chelydri.
 Verſa metus nullos hic Chalydonis agit.
 Securi, atq; leueis fluuiorum ad murmura ſomni.
 Hic uarijs cernas cuncta uigere bonis.
 Magnorum hic armenta bouum, uaccasq; uidere
 In pratis, & oueis rure, iugisq; capras.
 Delitias querens in glande Sabellicus hic ſus.
 Hædorumq; greges hic Melibæe regis.
 Hic nuper nati uituli, matremq; ſequenteis,
 Qui graue adhuc teneri non di dicere iugum.

Quom Steropæ socias reuehit Februarius, ecce
 Cernit Amyclæos hic Epidaurus equos.
 Hic fermè innumeros Atridas uidi, & Vlysses,
 Anchisæ uidi, stemmata clara, genus.
 Carolus hac, à Conuentu Fernandus abibant.
 Illustreis uidi nobilitate uiros.
 Et Cerere, & Bacho queis Vuurtembergia foelix
 Nempe dedit solito letior hospitium.
 Ad latus huic Blauborna sita est, & regia sceptræ,
 Scilicet in dicta simplicitate, colit.
 Hæc spectata fide tua complet uissa, Georgi
 Druchses, nobilum gloria prima uirum.
 Præsidium, decus, & nostræ lux pulchra Tübingæ,
 Dignus es ex meritis Regis habere uices.
 Es dignus longos foelix regnare per annos,
 Venturi cuius fortia sceptræ colant.
 Ad fontem gelidi quoq; suspicit aduena Blauī
 Littora, saxa, locos, cætera quæq; uidens.
 Hic alto Gerrhusiacum sub uertice castrum
 Suspicit, & speculam Coerule Blauæ tuam.
 Quin huic gibbo si petitur peninsula Ruggi.
 Hic cubat ad murmur Gysselebachæ tuum.
 Fonte tuo Blauī gelidum quoq; flumen adauges,
 Subq; tua Platano membra quicte cibas.
 Illa quidem sterilis, sed opacis suslinet umbras.
 Huc reclinatis grata susurrat aqua.

Narcissos, Hyacinthon, & hic Colocasia cernis,
 Cunctaq; uernantis uallis amœna uides.
 Huc studiosa cohors, Regalis alumna Tübingæ,
 Ire solet, Stoi, Socraticiq; uiri.
 Hoc rerum caussas uenans Academia sepe,
 Et solet hoc, quæ gens Ambulat, esse loco.
 Clarum non procul hinc Iacobum est cernere Lembū,
 Protegit ille suo nostra patrocinio.
 Ut Pater ille Scholam, nostras fouet ille Camenas.
 Huic lucus Pyliæ, tempora læta precor.
 Aëris hic Blauum clementia temperat omnem,
 Et facit, ut uiuant fortia membra, locum.
 Hæc erat inclemens, nostræq; aduersa Tübingæ.
 Hinc tua decernunt littora Blauæ Patres.
 Cum socijs quom se abscondit formosa Celano.
 Quando Autumnaleis Piscis inuiit aquas.
 Anato Domino Iesu ter sæcula quinq;
 Anni ter, memini, præteriere decem.
 Pomifer, & morbos referens Autumnus habebat
 In patulo iam tum musta renata lacu.
 Officium ripæ faciunt, simplexq; popellus.
 Hinc mihi, quod facis hæc, Blauæ canende uenis.
 Officium populi gratum est, fontisq; lociq;
 Publica, sunt animi commoda grata magis.
 Expectans studiosa cohors, Simlere diserte,
 Astro foelici læta redire cupit.

Nante Phœbæis æquiq; boniq; docentem
 Artibus, & magna dogmata laude probat.
 Immortalia diuinæq; oracula mentis,
 Percipit à tanto discere multa uiro.
 Dogmata Pastoris cupit hæc cœlestia Galli
 Audire, ut mores cōmibat inde sacros.
 Cecropios proceres reliquos imitauer optans,
 Audire illorum uerba diserta cupit.
 Et uideor iam nunc foelicia cuncta uidere,
 Quod des, ut uideam, te bone Christe rogo.
 Quin merito uallem Blauī mireris amœnam,
 Villas contiguas, rupea castra uidens.
 Innūmerasq; molas, Blauīq; uireta fugacis,
 Excelsas uolucrum concua saxa domos.
 Quæ ueteres illis quondam imposuere Sacella,
 Blauī gibbo sis edificata iugis.
 Hic quod in anfractu spatatur, planicieq;
 Egrediens uallem, cornua quodq; facit.
 Quod bis mille secat passus, dein mergitur Istro.
 Scilicet ante Lares perfluit Vlma tuos.
 Quæ, uelut exuperant altæ uiburna Cupressi,
 Nobilis est nostra sic Emāunte magis.
 Maior honos hic Musarum fors crescet alumnis,
 Tunc pulchra ciueis laude probare queas.
 Tunc recte artificum laudes, operumq; laborem,
 Cum fofus turris, mœnia, strata, uiros.

Rex fluuiorum Danubius nostrum bibit amnem.
 Hinc & in excursu litore finis ades.
 Quin maiore cani pleetro dignissime Blaue,
 Nunc quod Regaleis lāberis inter aquas.
 Pannonios, per Bastarnas, & Turcia regna,
 Hostia per septem ferris in Oceanum.
 Mœonio, tu Minciadæ quoq; carmine dignus.
 Illi sed proprias res cecinere sacri.
 In rebus patrijs aliqua nos Blaue locando
 Principio numeres ultima, primus ero.

FINIS.

Ad Iohannem Grūner,
 Chalcographū Vlmensem.

Nomen habes rebus quadrans Grūnere, decusq;
 Hinc uirtute animi, corporis atq; uiges.
 Litterulis flores, & coniuge. prole, domoq;
 Est & amicorum magna caterua tibi.
 Libera, sed quoq; te florentia mœnia cingunt.
 Est decus hoc quæ sunt flumina trina loco.
 Hillara Danubio mislus Regi fluuiorum,
 Hoc socias præbens littore Blauius aquas.
 Teutonis inuentum, tuus est cultusq; character,
 Quo cudiis paruo tempore mille libros.
 Ut quo uenturis commendas uiscera nostra,
 Si modo posteritas carmina nostra leget.
 Dicitis nempè tuis, est magnaq; gratia factis.
 Nomen Iōhannis conuenit ergo tibi.